



MEDLEMSBREV NR. 3 – 2013

Kjære medlem,
det har skjedd mykje i selskapet sidan sist.

NETTSIDA vår
<http://www.olavslettoselskapet.no/> er alltid oppdatert, men det er ikkje alle medlemmene våre som har denne tilgangen, så difor tek me ein kort gjennomgang her.

MØTE OM “UÆGTE BØRN” 3.10.13:

Den prisløna formidlaren, **professor Jørn Øyrehagen Sunde** held foredrag på Vika I Hol om den rettshistoriske utviklinga for uægte børn eller lausungar, som dei óg vart kalla. Det var eit foredrag det går gjetord om! Vel 40 folk møtte fram. Møtet var eit samarbeid mellom OSS, Hol historielag og Leveld Kunstnartun. Rapport og bilder ligg på nettsida vår.

PER GJETAR - ÅRETS JULEGÅVEBOK

blei lansert på Perstølen Libris 26. oktober. Boka har teikningar av Anne Mari Gretteberg Gjerstad og er komen ut på Boksmia Forlag. Det var eit fint arrangement med mykje publikum.

Hovudpersonane i boka, Per (Tord Torsteinsrud) og Hølgi (Erlend Opheim Berg) var med og kasta glans over lanseringa. Per Ove Nybråten las frå boka og Eva Almhjell fortalde om arbeidet med teksten og om forfattern, Olav Sletto. Det var boksignering og mange nytta høvet til å skaffe boka. Boka er ei markering av Språkåret 2013, og av at det var 50 år sidan Olav Sletto døydde (24. oktober 1963). Ei vakker og spennande bok som høyrer heime i alle hytter og hus i heile dalen - og andre stader!

PLANAR FRAMOVER:

21. november - møte i Hol Historielag:

Styreleiar Eva Almhjell fortel om boka “Per Gjetar”. Boka vil vere til sals.

23. november - Bokmesse i Ål kulturhus:

Eva Almhjell fortel om bokprosjektet “Per Gjetar”. Vi sit på stand, og boka vil vere til sals.

Boka kan også bestillast på www.boksmia.no eller kjøpast i ein bokhandel nær deg.
Per Gjetar ISBN 978-82-91871-32-5

21. juni 2014 – Årsmøte:

Hald av datoen alt no. Eva Almhjell fortel om arbeidet med å leite opp spor etter tenestjenta Anne Jensdotter Sletto. Hovudtalar er Kari Telste, Norsk Folkemuseum. Ho er forfattar av fleire bøker om kvinneliv i samfunnet, og foredrag om tenestjentene si historie.

Årsheftet 2014:

Gled dykk til spennande innhald!
Meir informasjon kjem.

Medlemskontingenten 2014 - 200 kr:

Årsmøtet 2013 sette medlemsavgifta til kr. 200. Pengane kan innbetalast til kontonr. 2333 22 62998 innan 15. februar 2014. Minner om namnet ditt og e-adressa i meldingsfeltet.

Medlemsinformasjon og nyhende blir publisert etterkvart på www.olavslettoselskapet.no

SLETTO-MATERIALET I BYGDEARKIVET:

Me minner om at du finn katalogen over Sletto-materialet i Hol Bygdearkiv på www.olavslettoselskapet.no

Velkomen til spennande møter i 2014!

Dette medlemsbrevet blir sendt som skjermbrev til dei medlemmene vi har e- postadresse til. Til dei som får brevet i posten, men som har e- postadresse:

Send melding til bmsletto@yahoo.no